

आकाशवाणी

खास-खास खबरां

1. प्रधानमंत्री नरेन्द्र मोदी होरें पच्छिम बंगाल च तकरीबन 3 जहार 200 करोड़ रुपें दिएं राष्ट्री जरनैली सिडकें सरबंधी परियोजनाएं दा शुभारंभ कीता।
2. प्रधानमंत्री मोदी होरें असम दे गुवाहाटी च लोकप्रिय गोपीनाथ बोरदोलोई अंतराश्ट्री ब्हाई अड्डे दे टर्मिनल भवन दा उद्घाटन कीता।
3. असम दे होजाई ज़िले च सैरांग-नई दिल्ली राजधानी एक्सप्रेस दे लपेटे च औने करी हाथियें दे इक झुंड दे 7 हाथियें दी मौत होई गेई ते इक हाथी जख्मीं होई गेआ।
4. पाकिस्तान दी इक अदालतै अज्ज तोशखाना भ्रष्टाचार मामले च साबका प्रधानमंत्री इमरान खान ते उं'दी घरै आहली बुशरा बीबी गी 17-17 ब'रें दी सजा सनाई ऐ।
5. लद्दाख च अज्ज लद्दाखी नमें ब'रे दे मौके उप्पर लोसर दा उत्सव मनाया जा'रदा ऐ।
6. भारती क्रिकेट कंट्रोल बोर्ड ने औने आहले आईसीसी टी20 वर्ल्ड कप लेई 15 खड्डारियें दी टीम दा ऐलान करी दिता ऐ। सूर्यकुमार यादव कप्तान ते अक्षर पटेल उप-कप्तान होडन

<><><><><><>

PM WB

प्रधानमंत्री नरेन्द्र मोदी होरें अज्ज पच्छिम बंगाल दे नदिया जिले च 3 जहार 200 करोड़ रुपें दिएं राष्ट्री जरनैली सिडक परियोजनाएं दा नींह पत्थर रक्खेआ ते उद्घाटन कीता। श्री मोदी हुं'दा हेलिकॉप्टर खराब मौसम करी नदिया जिले दे राणाघाट च ताहिरपुर च उतरी नेई सकेआ इसकरियै उ'नें वर्चुअल ढंगै कन्नै जनसभा गी संबोधित कीता। इस मौके पर श्री मोदी होरें आखेआ जे उं'दी

सरकार पच्छिम बंगाल दे खेत्तरे च सम्पर्क बधाने दी लगातार कोशश करा'रदी ऐ। प्रधानमंत्री होरे पच्छिम बंगाल दे नदिया जिले च राश्ट्री जरनैली सिडक-34 दे तकरीबन 67 किलोमीटर लम्मे बरजागुली-कृष्णानगर सैक्शन दे चार लेन दे निर्माण दा उद्घाटन कीता। उ'ने राज्य दे उत्तर 24 परगना जिले च 17 किलोमीटर शा मते लम्मे बारासात-बरजागुली सैक्शन दे चार लेन दे निर्माण दा नीह पत्थर बी रक्खेआ। एह परियोजनां कोलकाता ते सिलीगुडी बश्कार इक महत्वपूर्ण संपर्क दा कम्म करडन ते इ'दे कन्नै यात्रा दा समे तकरीबन द'उं घँटे घट्ट होई जाहगा।

<><><><><><>

PM –Asam

प्रधानमंत्री नरेन्द्र मोदी होरे अज्ज असम दे गुवाहाटी च लोकिय गोपीनाथ बोरदोलोई अंतराश्ट्रीय ब्हाई अड्डे दे टर्मिनल भवन दा उघाटन कीता। उने ब्हाई अड्डे दे बाहर असम दे पैहले मुखमंत्री गोपीनाथ बोरदोलोई हुंदी 80 फुट उच्चि प्रतिमा परा पर्दा गोआडेया। गुवाहाटी च इक जनसभा च प्रधानमंत्री होरे आखेया जे अज्ज असम दे विकास च इक नमां ध्याऽ जुडा करदा ऐ ते एह असम सने पूरे पूर्वोत्तर खेतर दे विकास दा उत्सव ऐ। श्री मोदी होरे आखेया जे भारती जनता पार्टी दी डबल इंजन सरकार दे नेतृत्व च असम च विकास ब्रह्मपुत्र नदी आला लेखा लगातार चला'करदा ऐ- श्री मोदी होरे आखेया जे असम ते पूर्वोत्तर खेतर दा विकास कदे बी कांग्रेस दे एजेडे दा हिस्सा नेई हा। इस मौके पर असम दे मुखमंत्री हिमंत बिसवा सरमा होरे आखेया जे ब्हाई अड्डे दे टर्मिनल दा उदघाटन इक ऐतिहासिक गैह ऐ जेड़ी सैलसफा ते आर्थिक विकास गी नमीं रफतार देग।

<><><><><><>

PM Shivraj Article

प्रधानमंत्री नरेन्द्र मोदी होरे केंद्री मंत्री शिवराज सिंह चौहान हुं'दा इक लेख अज्ज सांझा कीता, जेह्दे च विकसित भारत जी राम जी बिल दे मकसद पर लोऽ पाई गेदी ऐ। सोशल मीडिया दी इक पोस्ट च,

श्री मोदी होरें आखेआ जे इस बिल दा मकसद इक आधुनिक रोजगार गरंटी ढांचे दे राहें ग्रामीण आजीविका गी बदलना ऐ। प्रधानमंत्री होरें अगगे आखेआ ऐ जे चौहान होर दस्सदे न जे एह बिल मजूरें-कम्मगारें दी सुरक्षा गी मज़बूत करने दे कन्नो-कन्नो राई-बाई दे उत्पादन च सुधार आहनने, मुकामी स्तर पर योजनाएं गी तगड़ा बनाने, कल्याणकारी योजनाएं गी किट्टे सांझे मंच उप्पर आहनने ते समर्थ गी बधाने पर केन्द्रित ऐ। प्रधानमंत्री होरें इस बात पर ज़ोर दिता ऐ जे एह बिल समाज कल्याण दी बचारधारा गी खत्म नेई सगुआं नमें सिरेया शुरू करग, ते एह विकसित ते आत्मनिर्भर ग्रामीण भारत दे नजरिये कन्नै पक्के तौरा पर जुड़े दा ऐ।

<><><><><><>

Vice Prez APE Awards

उपराश्ट्रपति सी.पी. राधाकृष्णन होरें आखेआ ऐ जे कपड़ें-टल्लें आहला उद्योग, आर्थिक विकास दा महत्वपूर्ण थम्म ऐ। अज्ज नमीं दिल्ली च कपड़ें दे निर्यात गी बढ़ावा देने सरबंधी काउंसल दे पुरस्कार बंडुने आहले समारोह दे मौके उप्पर उनें आखेआ जे भारत, दुनिया दा 6मां सबनें शा बड्डा कपड़ें दा निर्यातक देश ऐ। एह कपड़ें-टल्लें आहले उद्योग च भारत दी महत्वपूर्ण प्रगति गी दर्शादा ऐ। पुरस्कार जित्तने आहलें गी शुभकामनां दिंदे होई उपराश्ट्रपति होरें उं दी लगन ते सख्त मेहनत दी सराहना कीती। उंनें आखेआ जे कपड़ा उद्योग, देशै च कृषि खेत्तर दे बाद दुआ सबनें शा बड्डा रोजगार प्रदान करने आहला उद्योग ऐ। उंनें दुनिया च सियासी वजहें करी पैदा होआ' करदे हालात दे कपड़ा उद्योग पर असर दा बी जिक्र कीता। उपराश्ट्रपति होरें कपड़ें-टल्लें आहले उद्योग कन्नै जुड़े दे लोकें ते संस्थाएं गी पर्यावरण दे अनुकूल तकनीकें दा इस्तेमाल करने दी गुजारिश कीती।

<><><><><><>

Asam Elephant Accident

असम च जंदी रातीं होजाई ज़िले च सैरांग-नई दिल्ली राजधानी एक्सप्रेस दे लपेटे च औने करी हाथियें दे इक झुंड दे 7 हाथियें दी मौत होई गई ते इक हाथी जख्मीं होई गेआ। अधिकारियें मूजब, इस हादसे च ट्रेन दे इंजन सने 5 डब्बे बी पटरी शा हेठ उतरी गे। एह हादसा इलाके च घने कोहरे करी होने दी शेंका जताई जा'रदी ऐ।

<><><><><><>

Pakistan Imram Sentence

पाकिस्तान दी इक अदालतै अज्ज तोशखाना भ्रष्टाचार मामले च साबका प्रधानमंत्री इमरान खान ते उं'दी घरै आहली बुशरा बीबी गी 17-17 ब'रें दी सजा सनाई ऐ। एह मामला सरकारी तोहफें च कथित धोखाधडी कन्नै जुड़े दा ऐ। इ'नें तोहफें गी इमरान खान ते बुशरा बीबी होरें 2021 च सऊदी सरकार थमां हासल कीता हा। बशेश अदालत दे न्याऽधीश शाहरूख अरजुमंद ने रावलपिंडी दी उच्च सुरक्षा आहली अडियाला जेल च इस मामले च फैसला सनाया। इमरान खान ते उं'दी घरै आहली गी पाकिस्तान दी दंड संहिता दी दफा 409 दे तैहत 10एं ब'रें दी सजा ते भ्रष्टाचार दी रोकथाम सरबंधी कानून दिएं बक्ख-बक्ख दफाएं तैहत 7 ब'रें दी सजा सनाई गई ऐ। अदालत ने दौनें पर 1 करोड़ 64 लक्ख पाकिस्तानी रुपें दा जुर्माना बी लाया ऐ। तोआई, मुकदमे दी कार्रवाई अडियाला जेल च होई, जित्थे इमरान खान ते उं'दी घरै आहली - दौनें गी इस ब'रे दी शुरुआत च अल-कादिर ट्रस्ट मामले च दोशी करार दित्ते जाने दे बाद पैहले गै कैद रक्खेआ गेदा ऐ। दौने अपनी सज़ा दे खलाफ़ हाईकोर्ट च अपील करी सकदे न।

<><><><><><>

BJP Rahul Gandhi

भारती जनता पार्टी ने कांग्रेस दे वरिष्ठ नेता राहुल गांधी हुं'दे पर बदेशें च देशै दी छवि खराब करने ते भारत बरोधी ताकतें कन्नै मिलने दा आरोप लाया ऐ। नमीं दिल्ली च अज्ज संवाददाताएं कन्नै गल्लबात च बीजेपी दे प्रवक्ता गौरव भाटिया होरें आरोप लाया जे संसद सत्र दे दरान राहुल गांधी होरें बदेश जात्तरा कीती ते भारत बरोधी गल्लां करने आहले लोकें कन्नै गल्लबात कीती। उ'नें श्री गांधी हुं'दे पर अपने बवहार कन्नै लगातार राश्ट्री हितें ते देशै दी लोकतांत्रिक संस्थाएं गी कमजोर करने दा बी आरोप लाया। श्री भाटिया होरें आखेआ जे एहू पैहली बारी नेई ऐ जिसलै राहुल गांधी होर इस चाल्ली दिएं गतिविधियें च शामिल पाए गे न।

<><><><><><>

Jaishankar Convocation

बदेश मंत्री डॉ. एस. जयशंकर होरें आखेआ ऐ जे दुनिया च आर्थिक ते राजनीतिक बवस्था च इक बड्डा बदलाव आया ऐ, जेह्दे कारण शक्ति ते प्रभाऽ दे केई केंद्र उभरा करदे न। पुणे च आयोजित दीक्षांत समारोह च उ'नें आखेआ जे इस बदलाव दे चलदे बक्ख-बक्ख देशें बश्कार स्वभाविक मुकाबलेबाजी शुरू होई ऐ, जेह्दे'नै अंतरराश्ट्रीय बवस्था च नमें संतुलन बने न। डॉ. जयशंकर होरें आखेआ जे अज्ज शक्ति दी अवधारणा दे केई आयाम न, जिं'दे च बपार, ऊर्जा, फौजी ताकत, संसाधन, प्रौद्योगिकी ते प्रतिभा शामिल न ते एह्दे'नै वैश्विक म्हौल होर बी गुंजलदार होई गेआ ऐ। बदेश मंत्री होरें इब्बी गलाया जे वैश्विकरण दे प्रभाऽ ने देशें दे सोचने ते कम्म करने दे तरीकें गी मौलिक रूप कन्नै बदली दित्ता ऐ। उ'नें इस गल्लै पर बल दित्ता जे भारत ज्नेही बड्डी अर्थबवस्था गी तकनीकी रूप कन्नै मुकाबलेबाजी च बने दे रौहने लेई मजबूत ते आधुनिक विनिर्माण आहली समर्थ विकसित करनी गै होगा।

<><><><><><>

UN Meditation Session

आध्यात्मिक गुरु श्री श्री रविशंकर होंरें महाभारत च भगवान श्री कृष्ण हुं'दे आसेआ अर्जुन गी दित्ते गेदे ध्यान योग दे उपदेशें गी संयुक्त राष्ट्र च पेश कीता। एहू उपदेश संघर्ष ते जंग दी मार झल्ला करदी दुनिया च रमानदारी स्थापत करने दे प्रतीक ना। दुए विश्व ध्यान दिवस दे मौके उप्पर अज्ज इक अभ्यास सत्र च उ'नें आखेआ जे इन्सान अज्ज जंग दी मार झल्ला करदा ऐ ते समाज च बक्ख-बक्ख मुद्दें पर संघर्ष जारी ऐ। भगवान श्री कृष्ण हुं'दे उपदेशें दी मिसाल दिं'दे होई उ'नें आखेआ जे यूक्रेन च, निराशा च डुब्बे दे 8 ज्हार सैनिकें ध्यान दे राहें मानसिक शांति दा अनुभव कीता। विश्व शांति लेई आयोजित इस सत्र च दुनिया भरै दे राजनयिकें, संयुक्त राष्ट्र दे अधिकारियें ते योग प्रशिक्षकें हिस्सा लैता। एहदा आयोजन भारत, अंडोरा, मैक्सिको, नेपाल ते श्रीलंका ने सांझे तौर पर कीता। पिच्छले ब'रे संयुक्त राष्ट्रमहासभा ने 21 दिसम्बर गी विश्व ध्यान दिवस दे रूपै च नामित कीता हा। योग ते ध्यान कन्नै जुडे दे केई माहिरें-विशेषज्ञें विश्व शांति लेई योग दी भूमिका दी सराहना कीती।

<><><><><><>

IMF Ditwah

अंतरराष्ट्री मुद्रा कोष - आई.एम.एफ. ने श्रीलंका गी फौरी मदाद दे तौर उप्पर 20 करोड़ 60 लक्ख डॉलरें दी आपातकालीन मदाद दी मंजूरी दित्ती ऐ। एहू सहायता चक्रवाती तूफान दित्वाह परैन्त पैदा होई दिएं जरूरतें गी पूरा करने ते व्यापक आर्थिक स्थिरता बनाई रक्खने लेई दित्ती जाह्ग। चक्रवात तूफान दित्वाह करी श्रीलंका च बडा भारी नुकसान होआ ऐ ते 643 शा मते लोकें दी मौत होई ऐ। इस मदाद कन्नै आबादकारी मतल्लक कम्में च मदाद मिलग।

<><><><><><>

udget MyGov

केन्द्र सरकारै बारे 2026-27 दे बजट लेई नागरिकें थमां सुझाऽ ते बचार मंगगे ना केन्द्री बजट अगले ब
रे फरवरी म्हीने पेश कीता जाहगा। इस पैहलकदमी दा मकसद समावेशी विकास ते राश्ट्रीय तरक्की गी
बढावा दिंदे होई जनता दिएं आसें-मेदें ते जरूरतें गी ध्याना च रक्खना ऐ। एह सुझाऽ
www.mygov.in पोर्टल पर भेजे जाई सकदे ना।



Ladakh Lasar

लद्दाख च अज्ज लद्दाखी नमें बरे दे मौके उप्पर लोसर उत्सव मनाया जा'रदा ऐ। लद्दाख दे
उपराज्यपाल कविंदर गुप्ता होरें लोसर दे मौके पर लद्दाख दे लोकें गी शुभकामनां दितियां ते सब्बनें
लेई शांति- खुशहाली ते सदभाव दी कामना कीती। लद्दाखी नमां बरा लद्दाख दा प्रमुख ध्यार ऐ-
जेहडा स्याले मनाया जंदा ऐ ते औने आले बरे च पुशपालन थमां समृद्धि- शैल फसल ते पैसे दी कामना
कीती जंदी ऐ। लोसर दी पूर्व संध्या पर कल पूजा दे दीये बाले गे- इमारतें-घरें- मठें-स्तूयें जनेही
धार्मिक ते ऐतिहासिक थाहरें गी रोशनियें कन्नै सजाया गया। लोसर दा उत्सव लद्दाखी नमें बरे थमां
9वें दिन तगर चलदा ऐ। एहदे च देवी-देवताएं दी पूजा कीती जंदी ऐ- आइबेक्स दे सम्मान च नाच ते
गीत गाए जंदे न ते माउंट कैलाश दी तीर्थ-यात्रा कीती जंदी ऐ।



Aurovil Cultural Festival

केन्द्री श्रम, रोजगार ते युवा मामलें सने खेडुं सरबंधी मैहकमें दे मंत्री डॉ. मनसुख मांडविया होरें
आखेआ ऐ जे बंडोई दी दुनिया ते गल्लबात दे घट्ट मौकें गी दिक्खदे होई औरोविले दे 'वसुधैव

कुटुंबकम' दा महत्व बधा करदा ऐ। ओह पुद्दुचेरी दे नेडे औरोविले अंतरराश्ट्री टाउनशिप च चलै करदे औरोविले साहित्य महोत्सव दे बशेश इजलास दे दरान विद्यार्थिं कन्नै गल्लबात करा'रदे हे। डॉ. मांडविया होरें आखेआ जे औरोविले च इक आलमी सतह दे मंच दे रूपै च उभरने दी दुर्लभ क्षमता ऐ, जित्थे अनुवाद, संवाद ते आपसी सम्मान दे माध्यम कन्नै विश्व साहित्य इक मंच पर औंदा ऐ। उंनं आखेआ जे प्रधानमंत्री नरेंद्र मोदी हुं'दे नेतृत्व च औरोविले गी भारत सरकार दा समर्थन मिलने कन्नै विकसित भारत दी भावना प्रदर्शित होंदी ऐ।

<><><><><><>

LG- Meeting

उपराज्यपाल मनोज सिन्हा होरें अज्ज लोकभवन च गृहविभाग तैहत औंदि मैहकमे दी इक उच्चि सतह दी समीक्षा बैठक दी अध्यक्षता कीती। बैठक दौरान बरे 2025-26 च होमगार्ड- एस.डी.आर.एफ- जेलें- अग्ग साहलने ते आपातकालीन सेवाएं सरबन्धी मैहकमे- फॉरसिंग साईस प्रयोगशाला- सैनिक कल्याण ते पी.एस.ए. तैहत सलाहकार बोर्ड दे बजट ते खर्चे दी स्थिति बारे तफसीली चर्चा कीती गेई। इस दौरान लैफ्टिनेंट गवर्नर होरें कठुआ दे महानपुर च हाई सिक्योरिटी जेल दे निर्माण सनें एफ.एस.एल. जम्मू च साईबर डिविजन गी कायम करना- श्रीनगर च साइबर डिविजन दा दर्जा बदाना ते जम्मू-कश्मीर दे सरहदी जिलें च बंकरें दे निर्माण सनें महत्वपूर्ण परियोजनाएं तैहत हासल प्रगति दा जायजा लैता।

<><><><><><>

Pulse/Polio Vaccine

राश्ट्रीय टीकाकरण दिसव 2025 तैहत पल्स-पोलियो अभियान जम्मू-कश्मीर च कल 21 दिसम्बर थमां शुरु होआ'रदा ऐ। इस दौरान 5 बरे तगर दी उमरी दे 19 लक्ख थवां बद्ध बच्चें गी पोलियो दियां बूदा पलाइयां जागंन। एदे मगरा 22 ते 23 दिसम्बर गी घर-घर जाइयै बूदां पलाने दा कार्यक्रम ऐ-

तां जे कोई बी बच्चा खुंजी नेंई जा। अधिकारियें दस्सेया ऐ जे एहदे लेई 10 ज्हार 993 बूथ कायम कीते गे न ते 518 गश्ती दल बी लाए गे न।

<><><><><><>

T20 WC Indian Squad

भारती क्रिकेट कंट्रोल बोर्ड यानि बी.सी.सी.आई ने औने आहले आई.सी.सी टी-20 वर्ल्ड कप लेई 15 खड्डारियें दी टीम दा अज्ज ऐलान करी दित्ता ऐ। सूर्यकुमार यादव गै टी20 विश्व कप च भारती टीम दी कप्तानी करडन, जिसलै के शुभमन गिल, जेहडे उप-कप्तान हे, गी फिटनेस ते फॉर्म दिएं चैंताएं दे चलदे टीम च थाह नेई दित्ती गई ऐ। उं'दी थाहै पर हुन अक्षर पटेल गी टीम दे उप-कप्तान दी जिम्मेदारी सौंपी गई ऐ। विकेटकीपर-बल्लेबाज ईशान किशन दुए विकेटकीपर-बल्लेबाज दे तौर पर टीम च वापस आहन्ने गे न। संजू सैमसन ते अभिषेक शर्मा गी टीम इंडिया लेई ओपनिंग जोड़ी दे तौर पर चुनेआ गेआ ऐ, ते रिंकू सिंह दी बी टीम च वापसी होई गई ऐ। तिलक

<><><><><><>